

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 172. sjednici, održanoj dana 15.09.2022.godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline o Inicijativi koja se odnosi na proglašenje zaštićenog područja VI kategorije Zaštićeno područje planina Zvijezda sa održivim korištenjem prirodnih resursa na području Općine Vareš, koje je sastavni dio ovog zaključka.

II.

Zaključak sa Mišljenjem Ministarstva za prostorno uređenje, promet i komunikacije i zaštitu okoline broj: 12-02-2664-7/21 od 01.09.2022. godine upućuje se u skupštinsku proceduru.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22
Datum, 15.09.2022. godine
Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x a/a.



Broj: 12-02-2664-7/21
Zenica, 01.09.2022.godine

- VLADA ZENIČKO-DOBOJSKOG KANTONA
Stručna služba Vlade

n/r premijera,
n/r sekretara

Predmet: Mišljenje po Inicijativi u vezi proglašenja zaštićenog područja VI kategorije Zaštićeno područje planina Zvijezda sa održivim korištenjem prirodnih resursa, dostavlja se

Veza: Akt Stručne službe Skupštine Zeničko-dobojskog kantona broj:01-02-2664-5/21 od 08.08.2022. godine i Akt Stručne službe Vlade Zeničko-dobojskog kantona broj: 02-1-02-2664-6/21 od 11.08.2022. godine

U vezi sa aktom Stručne službe Skupštine Zeničko-dobojskog kantona broj:01-02-2664-5/21 od 08.08.2022. godine i aktom Stručne službe Vlade Zeničko-dobojskog kantona broj: 02-1-02-2664-6/21 od 11.08.2022. godine vezano za postupak proglašenja zaštićenog područja VI kategorije Zaštićeno područje planine Zvijezda sa održivim korištenjem prirodnih resursa, te nakon razmatranja stavova, mišljenja i inicijativa Ministarstvo za prostorno uređenje promet i komunikacije i zaštitu okoline daje sljedeće mišljenje:

M I Š L J E N J E

Ministarstvo za prostorno uređenje promet i komunikacije i zaštitu okoline je, imajući u vidu stavove i mišljenja Općinskog vijeća Vareš i Federalnog ministarstva okoliša i turizma, zauzelo stav o potrebi pokretanja inicijative za proglašenje zaštićenog područja VI kategorije Zaštićeno područje planine Zvijezda sa održivim korištenjem prirodnih resursa na području Općine Vareš, i potrebi donošenja Zakona o proglašenju zaštićenog područja planine Zvijezda na području Općine Vareš.

Imajući u vidu da područje planine Zvijezda obiluje lokalitetima koji su davno prepoznati kao važni za očuvanje, te sa ciljem zaštite pejzažne i biološke raznolikosti sa posebnim akcentom na zaštitu biljnih i životinjskih vrsta kojima prijeti istrebljenje, kao i zaštite kulturno-historijskih lokaliteta planine Zvijezda ovo Ministarstvo je zauzelo stav da je potrebno podržati inicijative koje su prema ministarstvu uputili općina Vareš (Zaključak Općinskog vijeća Vareš o prihvatanju Studije izvodljivosti za zaštitu područja planine Zvijezde broj: 01-244/17 od 30.11.2017. godine) i Federalno ministarstvo okoliša i turizma.

Kantonalni zavod za urbanizam i prostorno uređenje ZDK kao upravna organizacija u sastavu ministarstva i kao nosilac izrade prostornog plana općine Vareš ispoštovao je potrebu da se predmetno područje zaštiti kao područje sa održivim korištenjem prirodnih resursa.

Federalno ministarstvo okoliša i turizma je aktom broj: 04-23-421/17-1/21-2 od 22.10.2021. godine Skupštini Zeničko-dobojskog kantona i Ministarstvu za prostorno uređenje promet i komunikacije i zaštitu okoline dostavilo dokumentaciju u printanoj i elektronskoj formi (Nacrt Zakona o proglašenju zaštićenog područja planine Zvijezda Općina Vareš, Stručno obrazloženje i Karte), koja se odnosi na

proglašenje zaštićenog područja VI kategorije Zaštićeno područje planine Zvijezda sa održivim korištenjem prirodnih resursa na području Općine Vareš.

U vezi sa navedenim Stručna služba Skupštine zatražila je upoznavanje Skupštine Zeničko-dobojskog kantona o predmetnom aktu i dokumentaciji dostavljenim od strane Federalnog ministarstva okoliša i turizma o čemu je od strane ovog Ministarstva sačinjena Informacija broj: 12-02-2664-3/21 od 16.11.2021.godine koja je dostavljena Skupštini i Vladi Zeničko-dobojskog kantona. Federalno ministarstvo okoliša i turizma je aktom broj: 04-23-421/17-1/22-1 od 15.02.2022. godine od ovog Ministarstva zatražilo informaciju o poduzetim aktivnostima u vezi sa procedurom proglašenja zaštićenog područja planine Zvijezde.

U skladu sa svim naprijed navedenim Ministarstvo će kao obrađivač Nacrta Zakona poduzeti sve potrebne aktivnosti i mjere koje se odnose na uključivanje svih faktora i zainteresiranih strana u ovom postupku, između ostalih, lokalne zajednice na čijem području se planira zaštita, Ministarstva za poljoprivredu, vodoprivredu i šumarstvo, Ministarstva privrede, Kantonalnog zavoda za urbanizam i prostorno uređenje Zeničko-dobojskog kantona, Javnog preduzeća "Šumsko privredno društvo Zeničko-dobojskog kantona" d.o.o. Zavidovići, lovačkih i ribolovačkih udruženja, nevladinih organizacija koje se bave zaštitom prirode i okoliša itd.

Osim toga u fazi provođenja procedure donošenja Zakona potrebno je uskladiti zaštićene površine sa važećom prostorno-planskom dokumentacijom.

Također je neophodno naglasiti da je u fazi donošenja Zakona potrebno definisati način upravljanja zaštićenim područjem, a slijedeći odredbe Zakona o zaštiti prirode („Službene novine Federacije BiH“, broj 66/13), te u Budžetu Zeničko-dobojskog kantona obezbijediti sredstva potrebna za provođenje ovog Zakona.

Vežano za navedenu inicijativu i preduzete aktivnosti i procedure za donošenje predmetnog Zakona, Ministarstvo za prostorno uređenje promet i komunikacije i zaštitu okoline podržava donošenje Zakona o proglašenju zaštićenog područja planine Zvijezda na području Općine Vareš.

U vezi s tim Općina Vareš je ovom Ministarstvu dostavila Zaključak Općinskog vijeća Vareš o prihvatanju Studije izvodljivosti za zaštitu područja planine Zvijezde broj: 01-244/17 od 30.11.2017. godine.

Zbog svega navedenog predlažemo prihvatanje Mišljenja o inicijativi za donošenje Zakona o proglašenju zaštićenog područja planine Zvijezda na području Općine Vareš.

Dostavljeno:
2 x Naslov
1 x a/a

MINISTAR

Arnel Isak